

djela. Desilo se tog istog dana kada su izbjeglice-migranti besuspješno pokušali u kolektivnom pohodu preći državnu granicu a učestvovalo je šest-sedam stotina migranata o čemu su mediji javljali na sve strane.

Početak jula 2018. na prostoru bivše vojne baze u Polju postavljeno je 60-tak tipskih šatora kao donacija Republike Austrije, a predsjedavajući Vijeća uputio pismo **Junckeru**, predsjedniku Komisije EU u Briselu. Nastavio širenjem bruke i sramote!

Ministar sigurnosti **Dragan Mektić** je u par navrata posjećivao USK, da bi polovinom jula dobacio i do čudne Čaršije. Domaćin mu je bio predsjedavajući Vijeća prof Fikret Bašić. Ostalo je neobjašnjeno po kojem zakonu i paragrafu državni ministar treba obilaziti lokalne blečke po USK-u da bi izvršio međunarodnu obavezu države BiH angažirajući privremenu državnu imovinu (objekte...)? Naravno, radi se o UN-konvenciji o izbjeglicama po kojoj država treba obezbjediti smještaj, garantovati sigurnost...

Brojni portali (*Reprezent.ba*, *Indeks.hr*, *Tačno.net*) publikovali su brojne priloge o izbjeglicama-migrantima sa fokusom da nadležni, bez odgađanja i politiziranja, bez prebacivanja odgovornosti osiguraju smještaj i sigurnost.

Ljudski životi su u pitanju!

Osnovna dostignuća-karakteristike aktuelne lokalne vlasti Velike Kladaše tokom trećine mandata

Prema općem indexu razvijenosti Velika Kladaša 2017. bilježi malo poboljšanje (index 2016, sa 68,2 porastao na 68,6) što je svakako vrijedno ostvarenje. Nešto primjernije poboljšanje ostvareno je na području zaposlenosti (broj



Općinsko vijeće Velika Kladaša i aktualni načelnik će ostati upamćeni po bahatom raspolaganju budžetom Općine

zaposlenih 2016. od 3.929 porastao je na 4.844 koncem godine, dok je prosječan broj zaposlenih tokom 2017. iznosio 4.263). Navedena poboljšanja nisu bila dovoljna da Velika Kladaša poboljša svoj rang među 79 općina FBiH. Ostajemo na 56. mjestu na koje smo došli 2012. Zvanični rezultata za prvo polugodište 2018. još nema. Sudeći po terenskim saznanjima nekoliko kompanija sa milionskim prihodima ostvarenim van područja općine prvi put bilježe stagnaciju, čak opadanje prihoda. Razlozi su smanjenje broja stanovnika u BiH, smanjenje kupovne moći... Situacija sa Budžetom Općine 2017. je više nego zabrinjavajuća. O tome svjedoči Revizorski izvještaj od 02.07.2018. o kojem još nema očitovanja Općinskog vijeća.

Ono što smo znali od ranije i pretpostavljali sada se obistinilo, a to je da aktualni načelnik Općine nije osoba od reda i zakona! Interesantno kada su novci i osobni interesi u pitanju kako lako i brzo pronalazi saveznika-blečke u Kladaši i okruženju.

Nešto slično kao i 1984/87! Rezimirano, aktualni sastav Općinskog vijeća sa svojim komisijama, načelnik sa svojom administracijom tokom jednoipogodišnjeg mandata ostaće upamćeni po: neprincipijelnim netransparentnim koaliranjem sa vijećnikom **Enverom Pehlićem** i vijećnicom **Refikom Purić**, nerealnom planiranju i bahatom raspolaganju sa Budžetom Op-

ćine, pokušajima da se na sumnjivo održiv način generira zapošljavanje (upumpavanje više od milion maraka javnog novca bez jasnih kriterija u javna preduzeća,...), čašćavanjima iz Budžeta udruženja građana (*Nezaposleni dioničari „Agrokomerca“...*), javnih preduzeća (Radio Velika Kladaša...), izostankom revizije strateških dokumenata, diskriminacijom medija, ignorisanjem građanskih inicijativa, organoleptičkim kozmetičkim uljepšavanjima i opjevavanjima jeftinim populizmom u vidu kulturno sportskih manifestacija i tematskom sjednicom o reviziji privatizacije, nebrigom za poljoprivrednu i kulturnu infrastrukturu, (Agrocentar, objekat Centra za kulturu...).

Među uspjehe vladajuće većine (13 od 28 vijećnika) *Laburističke stranke* jeste svakako postizanje jedinstva sa opozicijom oko nehumanosti prema izbjeglicama - migrantima i promociji sistema vrijednosti suprotno kladaškom tradicionalnom naslijeđu (gostoprimstvo, bogobojaznost, solidarnost...).

U proteklih 20 mjeseci (decembar 2016. - jul 2018.) mandata aktuelne lokalne vlasti javnost Velike Kladaše nije imala mogućnosti poslušati bar jednu dialošku emisiju o kladaškim aktuelnostima. Reemitovanja sjednica Općinskog vijeća je dobra praksa, a povremena gostovanja osoba bez referenci na Radiju Velika Kladaša je promocija nepismenosti, primitivizma, nakaradnih percepcija temelj-

nih vrijednosti. Nadati se da će Kolegij Općinskog vijeća smoci građanske hrabrosti da organizuje „strateške dijaloge“ po temama koje su navedene u *Konceptu Unaprijedimo Kladašu zajedno?!*

Završna razmatranja

Velika Kladaša ostaje i dalje sve nestabilnije i trusnije područje pogodno za svakakva dešavanja. Osnovni razlog je geostrateška pozicija (granica „svjetova“, sudari civilizacija, geografska blizina perspektivnih država EU, dužina porodne suhe granice pogodna za pješaćenja...). Nestabilno, trusno područje vibrira što daje pogodnosti raznim društvenim podjelama, fluidnim kretanjima i skretanjima u raznim smjerovima.

Razlozi za nove društvene podjele se povećavaju. Kladašćani nisu prevazišli podjele ekonomske nejednakosti nastale prije 1990-tih, proizveli su nove 1993/95 koje su podupirane antagonizmom sa glavnim gradom miroljubivo koegzistirale više od dva desetljeća da bi poslije lokalnih izbora oktobra 2016. rukovodeći se komercijalno klijentalističkim interesima (koaliranja neprirodnih stranaka) postala konfuznija. Opća „ideološka“ smušenost i dezorjentiranost (ne) svjesno je podupirana čašćivanjima iz budžeta o čemu nedvosmisleno svjedoči revizorski izvještaj od 02.07.2018. o Budžetu za 2017. koja pogoduju produblivanjima podjela.

Ovako dominirajuća situacija prenešena je i u 2018. koju su dodatno za komplikirale izbjeglice-migranti. (Ne)namjerno oglašivanje državne vlasti-ministra sigurnosti oko rješavanja smještaja izbjeglica i osiguranja bezbjednosti građana pogodovala je produbljiva-